

406

# AD CARDINALITIAM QVAESTIO MEDICA MATUTINIS AGITANDA

DISPUTATIONIBVS DIE IOVIS XXII. OCTOBR. IN SCHOLIS MEDICORVM,

IOANNE BEAUCHESNE, DOCTORE MEDICO, MODERATORE.

*An arthritidis Curabilis?*



ACVLTA EXPVLTRIX NON MINVS adiuventi vitę conseruandę, quam aliarum vlla conferens, præcipuū suę functionis opificem calorem natium manifesta secretionē & excretionē, sensumque latente cutis perspiratu, inutiles alimenti sordes repurgantem habet: Ductus circularibus fibris expulsionī dicatis instructos. Principibus partibus validius, cæteris imbecillius collatum robur, certiorē valetudinis securitatem adfert. Quibus viis alimentum prouehitur, iisdem remeans excrementum protruditur: Ab vltimo & summo corpore intro reuerti, & ex toto in totum transferri potest, vna omnium conspiratione & confluxione constituta.



SI COPIA DISTENDENTE, vel mordaci qualitate laceffente, concitior humorum cursus inualefcit, Rheumatici affectus sequuntur, principibus partibus ad Carnosas quod grauat propellentibus, glandulas, pulmonem, lienem, cerebrum, substantię laxitate & insita imbecillitate excipiendis excrementis idonea, effrañi humorum decubitu opprimentibus. Excretice verò stimulata acrius, & minimo momento huc illuc impulsa, ab ignobili & infirma parte, ad nobiles & robustas regurgitat putris colluies: Sic cileo phlegmone laborante, ventriculus irruentes vi fæces excipit & vomitu amandat, & ab hepate, liene, mesæreo, quoduis sordium genus turgens & sursum repens excluditur.



LVXIONIS VI EXPVLTRICE delabentis soboles Arthritidis, tumore & dolore artuum internodia, citra phlegmonem & puris prouentum cruciat: latius exundantis sæuitiam percipit ligamentum, membrana, tendo, longius diffusus musculus. maxime quidem id noxę contrahit Syntaxis, quam Diarthrosis componit: nulla tamen ossium connexio ab hac labe immunis. Humorū quilibet & cuiusque serum ortus fomitisque materiam suggerit, quæ non modò è capite secundum membranas & nervos sub cute in subditas partes influit, sed è quouis viscerum per vias fluxui & refluxui inseruientes: nec solum vitiosi humoris copia, sed articuli imbecillitas pernecessaria, & neutra seorsum. Inducitur verò errore vitę, frigore, venere, & quauis naturalem compagem relaxante causa, etiam à morbofo parentum semine in prolem propagatā.



ARTHRITICVS AFFECTVS ACVTVS, non lethalis, temperamento calido humido, iuniori ætati, sexui virili, in orio & lautè degenti, vere & autumno magis familiaris, colico & dysenterico cruciatui succedere solitus, in æqualem pro natura humoris & affecta sede dolorem inducit. Sanguinis dominatum prodit color rubeus, dolor pulsatorius, vehemens, tumidior venarum & particulæ moles: bilis leuius tumore sed grauius acrimonia fatigat, nihil atrocius: à pituita tensionis & doloris sensus infertur: Atrabilarij decursus profunda, grauis, immanis atrocitas. Superiorum partium deterior, inferiorum vehementior, tenacior noxa. Morbifici verò humoris suppressione, facultatum quæuis præcipiti obruitur exitio, animalem apoplexia & paralyfi, vitalem asthma & dyspnœa, naturalem languida Hæmatosi & hydrope profligante.



EROCIENTI MORBO DOMANDO, Pharmacię & Chirurgię tutiora, Diætę frugalis & abstemię iucundiora sunt præsidia. Missus per initia sanguis annuam, & perpetuam sæpe valetudinem præstat: purgatio humori noxio analoga, sed postponenda, & mitior potius quam validior. Segnius & parcius confluit molestus humor diuertendo, vomitu, enemate, vrinam & sudorem ciente remedio. Irrumpentem vehementi impetu confert inhiberi, vsu repellentium (Ischiade excepta) frigidâ etiam largè affusâ. Sæuienti quæ demulceant anodina profunt, nunquam narcotica. Pyrotico & vesicatorio, intercipiendo morbi fomiti summa facultas inest. Reliquiis digerendo excretis, robur adfertur, lotionē aquæ aluminosæ, ferreæ, salisæ. concretis tophis & nodis, quæ incidunt, tenuant, molliunt, sunt profutura.

*Ergo Arthritidis Curabilis.*



Asserebat IOANNE S<sup>r</sup> PIETRE Parisinus. Anno. 1609.